

ル 5  
3123  
1





門 儿 39  
第 1375  
卷

門 儿 5  
第 3123  
卷 /

光緒甲午秋鑄

西藏圖考

顧復初署檢



光緒甲午年孟夏  
京都申榮堂校刊

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴刺麻固始汗謂東  
土有聖人出特遣使自人跡不至之區經讐敵之國閱數年始  
達盛京至今八十載同行善事俱爲施主頗極安甯後達賴刺  
麻之歿第巴隱匿不奏者十有六年任意妄行拉藏滅之復興  
其法因而允從拉藏苦苦腦兒羣衆公同之請中間策妄阿喇  
蒲坦妄生事端動準噶爾之衆肆行奸詐滅壞達賴刺麻并廢  
第五輩達賴之塔辱巖班禪毀壞寺廟殺戮刺麻名爲興教而  
實滅之且欲竊據圖伯特國朕以其所爲非法爰命皇子爲大



西苑圖考卷之五  
將軍王又遣朕子孫等調撥滿洲蒙古綠旗兵各數萬戍烟瘴之地土馬安然而至賊眾三次乘夜盜營我兵奮勇擊殺賊皆喪膽遠遁一矢不發平定西藏振興法教賜今虎必爾汗册印封爲第六輩達賴刺麻安置禪榻撫綏圖伯特僧俗人眾各復生業於是文武臣工咸謂王師西討厯瘴癘險遠之區曾未半載輒建殊勳實從古所未有而諸蒙古部落及圖伯特酋長亦合詞奏曰皇帝勇畧神武超越往代天兵所臨邪魔掃蕩復興蒙古向所尊奉法教坎麻藏衛等部人眾咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久朕以何功焉而羣眾勤請不已爰紀斯文立

石西藏俾中外知達賴刺麻等三朝恭順之誠諸部落累世崇奉法教之意朕之此舉所以除逆撫順綏眾興教云爾

康熙五十九年

上諭大學士學士九卿等曰朕於地理從幼留心凡古今山川名號無論邊徼遐荒必詳考圖籍廣詢方言務得其正故遣使臣至崑崙西番諸處凡大江黃河黑水金沙瀾滄諸水發源之地皆目擊詳求載入輿圖今大兵得藏邊外諸番悉心歸化三藏阿里之地俱入版圖其山川名號番漢異同當於此時考證明核庶可傳信於後大概中國諸大水皆發於東南諸莫渾烏巴西大幹內外其源委可得而縷析也黃河之源出西甯外枯爾



坤山之東眾泉渙散不可勝數望之燦如列星蒙古謂之敖敦他拉西番謂之梭羅木中華謂之星宿海是爲河源匯爲薩陵鄂陵二澤東南行折北復東行由歸德堡積石關入蘭州岷江之源出於黃河之西巴顏哈拉嶺七七喇哈納番名岷尼雅克撮漢書所謂岷山在西徼外江水所出是也而禹貢導江之處在今四川黃勝關外之乃褚山古人謂江源與河源相近禹貢岷山導江乃引其流非源也斯言實有可據其水自黃勝關流至灌縣分數十支至新津縣復合而爲一東南流至敘州府與金沙江合流金沙江之源自達賴刺麻東北烏尼尹烏蘇嶺流出烏尼尹烏蘇嶺中華謂之乳牛山也其水名穆魯斯烏蘇東

南流入喀木地又經中甸入雲南塔城關名金沙江至麗江府又名麗江至永北府會打衝河東流經武定府入四川界至敘州府流入岷江經夔州府入湖廣界由荊州府至武昌府與漢江合漢江源出陝西甯羌州北蟠冢山名漾水東流至南鄭縣爲漢水入湖廣界東南流至漢陽縣漢口合岷江此諸水在東南諾莫渾烏巴西大幹之內源發於西番委入於中國也瀾滄江有二源一源於喀木之格爾幾雜噶爾山名雜褚河一源於濟魯肯他拉名敖穆綽河二水會於察木多廟之南名拉克褚河流入雲南境爲瀾滄江南流至車里宜撫司名九龍江流入緬國瀾滄之西爲哈喇烏蘇卽禹貢之黑水今雲南所謂潞江



也其水自達賴喇嘛東北哈拉腦兒流出東南流入喀木界又東南流入怒夷界爲怒江入雲南大塘隘更名潞江南流經永昌府潞江安撫司境入緬國潞江之西爲龍川江龍川江之源從喀木所屬春多嶺流出南流入雲南大塘隘西流爲龍川江至漢龍關入緬國此諸水在東南諾莫渾烏巴西大幹之外皆流入南海也又雲南邊境有檳榔江者其源發自阿里之岡底斯東達木朱喀巴卜山譯言馬口也一泉流出爲雅魯藏布江從南折東流經藏角地過日噶公喀爾城旁合噶爾詔模倫江又南流經公布部落地入雲南古勇州爲檳榔江出鐵壁關入緬國而岡底斯之南有山名郎干喀巴卜譯言象口也有泉流

出入馬皮木達賴又流入郎噶腦兒兩河之水西流至桑南地岡底斯之北有山名僧格喀巴卜譯言獅子口也有泉流出西行亦至桑南地二水合而南行又折東行至那克拉蘇穆多地與岡底斯西馬卜家喀巴卜山所出之水會馬卜家喀巴卜者譯言孔雀口也其水南行至那克拉蘇穆多地會東行之水東南流至厄納忒可克國爲岡噶模倫江卽佛法所謂恒河也佛國紀載魏法顯順恒河入南海至山東之渤海入口應卽此水矣梵書言四大水出於阿耨達山下有阿耨達池以今考之意卽岡底斯是唐古特稱岡底斯者猶云眾山水之根與釋典之言相合岡底斯之前有二湖連接土人相傳爲西王母瑤池意



卽阿耨達池又梵書言普陀山有三一在厄納忒可克之正南海中  
山上有石天宮觀自在菩薩遊舍是云眞普陀一在浙江之定海縣  
海中爲善財第二十八參觀音菩薩說法處一在土伯特今番名布塔拉山也亦謂觀音見身之地釋氏之書本自西域故於彼地山川亦可引以爲據也禹貢導黑水至於三危舊註以三危爲山名而不能知其所在朕今始考其實三危者猶中國之三省也打箭鑪西南達賴刺麻所屬爲危地拉里城東南爲喀木地班禪額爾德尼所屬爲藏地合三地爲三危耳哈拉烏蘇由其地入海故曰導黑水至於三危入於南海也至於諸番民號雖與史傳不同而亦有可據者今之士伯特卽唐

之突厥唐太宗時以公主下降公主供佛像於廟今番人名招招者譯言如來也其地猶有唐時中國載去佛像明成化中烏斯藏大寶法王來朝辭歸時以半駕鹵簿送之遣內監護行內監至四川邊境卽不能前進而返留其儀仗於佛廟至今往來之人多有見之此載於明實錄者爾等將山川地名詳細考明具奏

御製十全記

乾隆五十七年

夫記者志也虞書朕志先定乃在心周禮春官掌邦國之志乃在事旅獒志以道寧則兼心與事而言之然總不出夫道得其道乃能合於



天以冀承乎

貺則予之十全武功庶幾有契于斯而可志以記之乎十功者平準噶爾爲二定回部爲一掃金川爲二靖臺灣爲一降緬甸安南各一卽今二次受廓爾喀降合爲十其內地之三叛么膺弗屑數也前已酉廓爾喀之降蓋因彼擾藏邊界發偏師以問罪而所遣鄂輝等未宣我武巴忠乃遷就完事致彼弗懼而去歲復來以致大掠後藏飽欲而歸是以罪庸臣選名將勵眾軍籌儲餉福康安等深感朕恩弗辭勞苦於去歲冬月卽率索倫四川降番等精兵次第由西甯冒雪而進今歲五月遂臨賊境收復藏邊攻克賊疆履線險如平地渡溜要若蹄涔繞上襲下埋

根批吭手足胼胝有所弗恤七戰七勝賊人喪膽及兵臨陽布賊遂屢遣頭人匍匐乞降將軍所檄事件無不謹從而獨不敢身詣軍營蓋彼去歲曾誘藏之噶布倫丹津班珠爾等前去故不敢出也我武旣揚必期掃穴犁庭不遺一介亦非所以體

上天好生之意卽使盡得其地而西藏邊外又數千里之遙所謂不可耕而守者亦將付之他人乃降旨允降班師以藏斯事昔唐太宗策頡利曰示之必克其和乃固廓爾喀非頡利之比番邊殊長安之近彼且乞命顓恩准之不暇又安敢言和乎然今日之宣兵威使賊固意求降歸順實與唐太宗之論有所符合昔予記土爾扈特之事於歸降歸順已悉言之若今廓爾喀之



謝罪乞命歸降歸順蓋並有焉以其悔過誠而獻地切也迺知  
守中國者不可徒言偃武修文以自示弱也彼偃武修文之不  
已必致棄其故有而不能守是亦不可不知其知進知退易有  
明言予實服膺弗敢忘而每於用武之際更切深思定於志以  
合乎道幸而五十七年之間十全武功豈非

天貺然

天貺逾深予懼益切不敢言感惟恐難承兢兢惶惶以俟

天眷為歸政全人夫復何言

御製普陀宗乘之廟瞻禮紀事碑

在布達拉山下東北隅色拉寺山門外廊下東壁上

大聖人首出御世王道禪修非二致外藩萬部所歸心振興黃

教欽

睿智仿建招提北山崖膜拜環瞻悅遠懷抒誠愛戴奕禩暨

高皇聲教恢無涯

普陀宗乘之廟建於山莊行宮之北仿西藏布達喇都網法式也考之貝奕梵語曰布達

喇華言曰普陀蓋普陀有三一居額納特珂克即印度一居圖伯特即西藏一居浙東之南海而西來因緣則始自印度而西藏而南海南海特大土行教示現之所印已遠不可稽惟西藏都網法式具備相傳創建以來已閱千餘歲相好常新佛祖居印度時嘗授記云我教後將流傳東土蓋西藏尚居印度之東正與我佛示現因緣相合則西藏之普陀故為最勝是以山莊所建特現其制經始於乾隆三十二年至乾隆三十六年告成廣殿重臺窮亭翼廡金輪寶鐸香樹法幢洵佛國之化城人間之福地也溯自我朝開國以來振興黃教撫輯外藩至我皇考德威遐布聲教覃敷舊部新藩輸誠向化每當誕辰翠華臨蒞山莊迎鑿瞻觀豹尾扈隨若遇壽誕辰歲勛國慶則祝釐瞻觀豹尾扈隨若遇至鱗集尤眾亦俾得瞻拜震旦琳宮莊嚴具足莫不歡喜頂禮合十皈依其信心迴向之誠真稱得未曾有而欽仰敬服咸頌



我大聖人總持調御溥暢宗風成此天人攝受之規為三乘迦持之統會勝因善果龍天護佑將垂示無窮不可思議也

轉世相沿多詭譎除弊

特命金瓶掣決疑定眾順其情鴻文魏煥喇嘛說佛法始自天竺即印度東

流而至西番即唐古特其番僧相傳稱為喇嘛我皇考嘗習其語深通其法譯二字之意謂即漢語稱僧為上人耳喇嘛示寂後轉生為呼必勒罕即漢語謂轉世化生人也當呼必勒罕未出之前彼教於佛前誦經祈禱廣為訪覓各指近似之幼孩於佛前拉穆吹忠擇一聰慧有福相者定為呼必勒罕幼而習之長成乃稱呼土克圖傳襲其號以掌彼教我朝撫有方夏遐邇歸心因眾蒙古崇奉喇嘛最信黃教因而加以保護用示懷柔俾之遵守舊規遞演其傳乃行之既久遂有影射牟利者從中舞弊任意妄指呼必勒罕居為奇貨以致轉生之人率出一族竟與世襲爵祿無異而信奉其教之人亦生疑慮我皇考於平定廓爾喀寧輯藏地後曾製喇嘛說詳敘黃教源委與我朝所以振興之故並究悉其煽亂之由將彼教壞法

之人置之重辟因思息紛定眾之道必須遏其弊端特命製金奔巴瓶送往藏中供奉如有大喇嘛出呼必勒罕之事仍隨其俗令拉穆吹忠四人降神誦經將各行指出呼必勒罕之名書籤貯於所供金瓶對眾念經合達賴喇嘛或班禪額爾德尼同駐藏大臣公同籤掣一人定為呼必勒罕又各蒙古之大呼必勒罕亦令如所定之例將所報呼必勒罕貯於雍和宮所供金瓶內理藩院堂官會同掌印札薩克大喇嘛等公掣我皇考聖謨廣運雖遐方殊俗亦必壽其經久安全

正合王制所謂修其教不易其俗齊其政不易其宜治法昭垂允宜遵守毋忽者也宗喀巴派二徒傳

一曰達賴一班禪達賴示寂已數載今春顯應西藏邊生甫四

齡性敏悟昔年衣鉢識無誤乃知真者幻難欺不佳色相心常

住黃教之興西番高僧帕克巴始盛於元至宗喀巴為黃教之祖有二大弟子曰達賴喇嘛曰班禪喇嘛達賴喇嘛位居首其名根敦珠巴次即班禪喇嘛其名曰凱珠布格塔克巴勒藏與達賴喇嘛遞相為師以化身世掌黃教自根敦珠巴五轉世而至阿旺羅卜藏嘉木磋我朝太宗文皇帝崇德七年達賴喇嘛差人恭詣盛京呈遞丹書克及方物以後承受



聖恩施又一再傳其八輩達賴喇嘛於嘉慶九年示寂已閱數載其呼必勒罕尚未出世曾令濟隴呼土克圖及堪布喇嘛等於佛前誦經虔誠祈禱以期早徵靈應本年正月據駐藏大臣玉甯等奏稱藏內各處具報幼孩九人經濟隴呼土克圖駁去六人祇餘三人內惟西藏甸麻地方居住之春科土司丹怎吹忠之子於乙丑十二月朔日降生迄今年甫四齡聰慧異常早能持誦經咒自知前身係五輩達賴喇嘛試以前輩喇嘛所用鈴杵等物均能辨識大眾無不傾心信奉而後藏班禪額爾德尼聞知即親至前藏睹諸殊異同深歡喜並經玉甯等詳加察驗信而有徵蓋化身雖幻而真性常存似此靈異顯然不特化外波旬無由偽託去來因果了了不在天恩暉照遐方示現迷益徵此心常住有超乎色相之外者

**佛子大吉祥不疑何卜遂降勅季秋誦吉命坐牀特簡藩王頒厚賜衛藏億兆歡動地敬承我**

**考綏遠猷爰作長言紀其事**

我皇考頌發金奔巴瓶之抑邪趨在天之靈所以照臨而呵護之者非言思擬議之所能悉今丹怎吹忠之子聰明穎異其徵應如此大眾之歡欣敬信又如此設當我皇考時遇有此奏必立時加恩無

須於金瓶籤學蓋不疑何卜前志可稽因即降旨令其作為達賴喇嘛呼必勒罕著班禪額爾德尼等恭詣高宗純皇帝聖容前虔誠誦經奏聞用昭恩賜並特賜達賴喇嘛呼必勒罕哈達一個無量壽佛一尊鈴杵一分彌珠記念碧霞私念珠一掛令成都將軍特清額賞赴西藏頒發旋據玉甯等奏報達賴喇嘛呼必勒罕於九月二十二日坐牀因特派御前行走喀喇沁親王品級都楞郡王多羅額駙滿珠巴咱爾同御前侍衛副都統今授工部侍郎慶惠乾清門侍衛副都統隆福噶勒丹錫勒圖呼圖克圖赴藏看視坐牀頒賜勅書賞件並銀一萬兩以示優眷敬思我皇考綏遠鴻猷為萬世法前此金奔巴瓶之賜實慮彼教中有假托者藉以去偽存真茲既真者現前則一切杜弊之法原可不設即此權衡措置心相印默鑑同符實理之必然者然事期可久法不厭詳此後設遇呼必勒罕出世未必能如此次之靈驗無疑仍當恪守末以見吉祥示現為世間僅有之奇故不拘常行之例是法非法孰一孰二即以嘉慶十三年立長言為說俾可耳



Blank page with vertical lines for text.

序

西藏之地古屬吐番歷代叛服不常

聖清龍興遼瀋以班禪達賴刺麻首先歸命遂收蒙古赫業等

四大部落實為受

命開國之基特賓禮之異於他部厥後其地為別種所據復出

師勘定之命駐藏大臣護視其眾二百餘年朝貢不絕雖

未嘗隸版圖郡縣治儼然食毛踐土之民焉顧其地絕險

遠惟商販茶布之徒歲一往來其裏塘巴塘察木多等處

雖設糧臺置驛傳類皆視為畏途未有能詳紀其山川阨

塞四至八到者也惟四川通志及果親王西藏志松相國

西藏圖考卷之二十一 顧序



西州圖志卷之四  
錫西招圖略粗具綱要合之古書時有同異視遠者不詳其貌聽遠者不聞其聲不其然歟 壽菩觀察久綰軍事留心邊務乃博採眾說規方計里繪爲諸圖又搜羅藝文士風謠俗莫不畢載謂予曰雖未能進望鉤絃分寸密切然推詳頗竭心力當亦攷疆索者之一助也 復初惟方今聖化洋溢北覃於俄羅斯西迄於英吉利互市者三十有六國聲教之盛振古無比海國有圖寰瀛有志而况衛藏之地接壤巴蜀猶我宇下且達於披楞印度異日馳域外之觀揚鉤深致遠之威於是乎在必將以是書爲權輿矣  
光緒十有一年歲在丙戌仲冬之月長洲顧復初序

序

蓋聞巡大宛之藪漢使停槎叙西域之圖隋賢削秭故知興朝拓宇界劃斧於流沙元輔綏疆標銘碑於遐裔然或新封都護叛服靡恒甫隸版章藩籬罔固越在貫胸窮髮聖人蚤示無外之規緊彼鐵勒婆羅志士原從不論之例若夫朝

天弭節世戴

王靈款土牋忱歲輪

上貢如今之西藏者部落雖歧其種風教各奠厥居葱嶺雲崢內藩赤縣金沙霞灩表錯重洋巍乎滇蜀之鉅鍵嶄然華



夷之雄障稽

列祖撫綏之績義別羈縻揆齊民鎮服之文形侔郡縣倘其山川  
 里道舊籍罕詳城堞邱墟前聞尠紀何以憑墉扼塞銷遠  
 徼之封狼度地屯田拒長城之牧馬吾友 黃子壽苦雅  
 儲偉抱夙握奇珍虎帳參籌曾借留侯之箸雞聲觸慨頻  
 加祖述之鞭爰乃高目時艱游心藏典旁搜傳記摹繪圖  
 程靡間昕宵尤精編次窮其要害陳險隘於簡端探厥源  
 流辨關河於眼底奚俟伏波聚米已諳決勝之塗勿需道  
 子畫山預識經邊之奧撫茲鴻寶壯我

皇猷統四海為一家萬國上

懷柔之頌規八荒於尺素六韜增策畧之書

光緒十二年小陽月楚北崔廷璋拜序於錦官寓舍



序

益州天府亦天險也然古有據形勝僭大號或資富強圖  
中原其爲得失亦僅矣獨未有遠謀能馳域外之觀者我  
朝聖武取西藏前後胥入版圖其固吾圉至深遠也若乘全  
盛建行省置郡縣其地當倍於黔於是疆理之生聚之教  
訓之既庶既富以進規印度不徵兵轉餉而拓土開疆毋  
滋他族實徧處此尙矣夫印度地在海內水土肥美人之  
所爭其意有在故規印度所以衛西藏衛西藏所以固蜀  
都設西藏有警蜀能安枕乎履霜之思又豈僅在蜀今印  
度旣淪海外則經營西藏尤爲急務然必竭全蜀之力經



之營之安內攘外庶幾固此藩籬輔車相依有備無患斯不易之言也吾鄉黃君壽菩早歲從戎官蜀最久旁搜博采編輯西藏圖考一書於古今沿革山川險易道里遠近條分脈合瞭如指掌若有事於西藏此為南針可謂識時務之急者矣惟願我

國家懷遠之謨邦交之固阻恒河絕獨脊千百年如一日不獨西鄰士人實受其福中邦實樂利之然則余言為過計而壽菩是編則未必非有用之書也光緒丙戌季秋月善化黃錫燾序於錦城寓廬

西藏圖考例言

五則

一是集引據出自

皇朝一統志寰宇記四夷攷新舊唐書吐蕃傳明史西域烏斯藏傳及四川通志內西域志果親王西藏誌松筠西招圖略酈道元水經注齊召南水道提綱顧炎武方輿紀要七十一西域聞見錄盛繩祖衛藏圖識杜昌丁藏行紀程余慶遠維西見聞記魏源聖武記海國圖志等書分類編輯述而不作篇內未列各種書名省文也間有採自近作者附錄卷尾以示區別此外無名氏西域紀事西涉便覽諸書概勿敢錄



西藏圖考卷之首  
一卷首謹載

宸章尊

王之義也次藏圖次程站次山川城池等彙考有未盡者復分天地人物四門以補之又次藝文而附之以外夷攷終焉

一修邊徼書莫要於圖而莫難於圖西藏文字不同非若修省志者有縣府底稿之可採茲勉強繪成總圖一幅沿邊圖一幅皆計里開方發從前所未備次將西招原圖及乍丫圖照臨附梓皆繫之以說雖不敢曰毫髮無爽亦庶免扣槃捫燭之譏 識者鑒之

一編輯始於乙酉秋八月成於丙戌夏五月匯羣書而互證集眾說以從同得卷凡八始意藏諸行笥將隨時考正以期不爽毫釐也而李華廷軍門亟亟捐貲付梓既不獲辭遂以灾梨棗繪圖者四川韓大令銑司讐校者吾楚李大令宏年河間李大令文江諸人皆揭幕也

一是集不曰藏識而曰藏考其義有二一遐稽載籍拾前人之唾餘一粗具規模為後來之嚆矢有既考而可憑者有待考而未定者蓋西藏未見大部專集而沛翹又遠在草莽不獲睹



天府圖書是以謙陋若此

海內君子有見聞較確考核較詳者尙希郵寄教言  
藉匡不逮當謹刊續集統俟異日修藏志者之採擇  
焉感甚盼甚

光緒十有二年孟秋月穀旦黃沛翹識於錦城寓廬

（此處為書中正文，因字跡模糊，內容難以辨認，僅能依稀看出一些文字輪廓）

西藏圖考全集目錄

卷之首

宸章

序

例言

卷之一

西藏全圖

小引

沿邊圖

說

西招原圖

說

乍丫圖

說

卷之二

西藏源流考

續審隘篇

內地程站考

卷之三

西藏程站考

詩附

卷之四



諸路程站附考

卷之五

城池津梁關隘塘鋪山川公署寺廟古蹟土產彙考

名山大川詳考

卷之六

藏事續考

卷之七

藝文考 上 附奏議

卷之八

藝文考 下 外夷附考

西藏圖考卷之一

藏圖小引

自河圖洛書出而文字始興故凡著書者圖居其首而山川險易道里遠近非圖不明尤為行軍者所必需清翹於同治年間忝綜黔省營務時提黔者為周渭臣軍門其選將練兵不過偶參未議惟當調度之際恒一一周諮於余蓋黔省輿圖余早知其大概又於各營稟牘內按其山川


楚南黃沛翹壽菩甫手輯  
滇南李培榮華廷甫付梓  
河間李文江蓉航 楚南陳兼善元卿 甫同校





道里與文案周馨之大令悉心考校胥得其詳故旌旂所向靡不克捷甫三載而全黔平乃益知輿圖之關係匪輕也謹按

內府西藏全圖外間未見臨本惟松文清公圖畧與盛氏繩祖圖識刊行於蜀松圖最明確而方向倒置盛圖則模糊不可辨識此余所以不揣譎陋慨然作伏波聚米之謀也當代偉人能於輶軒之便博訪情形與內府藏圖互證而詳繪之是則辦香所常熟者已






也謹按

內府西藏全圖外間未見臨本惟松文清公圖畧與盛氏繩祖圖識刊行於蜀松圖最明確而方向倒置盛圖則模糊不可辨識此余所以不揣譎陋慨然作伏波聚米之謀也當代偉人能於輶軒之便博訪情形與內府藏圖互證而詳繪之是則辦香所常熟者已

# 西藏全圖




古漢昌韓銑摹繪  
楚南黃沛翹校定









# 西藏全圖













石三藏全圖每方二百里界限用單線度數用斜線河道用雙線地名用單圈程站用密點乃韓大令銑謹遵

皇朝中外一統輿圖臨摹節取而復證之以各種藏圖暨水經注水道提綱悉心鉤稽按方排比數易稿而始成者也東起寧靜山界碑西訖於阿里之極邊南自貉瑜布魯克巴交界起北越草地抵滕格里山幅員遼闊四至朗然其尤詳者東西數千里中塘站之遠近道路之迂直山水之縱橫燦若列眉瞭如指掌生平所見藏圖未有以方里計者此殆其權輿耳夫坐一室而談九州誠不免爲識者所訕笑矧西藏漢番各別文字不同荒确之區人跡罕到舉全

疆而登片紙欲免訛舛實難顧必孜孜爲此者竊謂規模粗具聊勝於無卽有不符留俟將來之校正蓋昔之衛藏祇滇蜀之藩籬今則西南攘印緬西北禦俄羅斯正北又爲新疆之後障坤維大局斯其咽喉未雨之謀履霜之戒其可忽耶然則是圖也匪惟攷古者所必需抑亦籌邊者所宜亟講也已

又圖內地名有與集中互異者卽集中地名人名亦有前後互異者地名如類伍齊亦作類烏齊碩般多亦作說板多喇薩亦作拉撒人名如打克渣亦作達格咱阿喇蒲坦亦作阿拉布坦車零敦多布亦作策陵董多布之類不可




枚舉蓋因漢番言殊翻譯字異但照原書鈔寫不必盡求其同亦猶身毒天竺皆印度之轉音禿髮吐蕃卽突厥之一種閱者融會以觀可耳


光緒十有二年歲次丙戌重陽後三日黃沛翹識於錦城

# 西藏沿邊圖





每方四百里





右西藏沿邊圖亦韓大令所繪每方計四百里名曰沿邊  
 故略於中而詳於外區區尺幅縱橫數萬里而遙雖山河  
 道里不能縷載而疆索形勢大致如斯至各部之沿革與  
 夫風土人情詳外夷附考茲不重述


翹識

西  
 招  
 原  
 圖





西 後土爾其方向同





西招原圖

西藏圖考卷之二



九





圖二














辛亥年  
廓尔喀道回經此  
凍斃千餘人

五圖



外通  
廓尔喀界

此水統歸  
藏曲大河








圖六















圖九







十圖

達克布

康馬嶺

達旺

錯納

前藏

墨竹工

仁進里

江蘇烏

堆達

拉穆寺


占達

德慶

里菜

噶勒丹寺

仲納木巴



哈喇烏蘇  
番族游牧

工布

順達

卓拉大山

山灣

阿咱

子海

常多

果拉松多

凝多


瓦攷

大山


拉里汎

密迪卡













右松文清公西招原圖吾楚李大令宏年所臨摹也原本  
 並鑪裡巴三臺及廓部交界共圖十有五茲專取現在藏  
 地所轄西起濟隴聶拉木東訖於巴塘之甯靜山界碑計  
 圖十有二圖說散見於程站註內故不贅錄文清公取懷  
 柔之義左東右西取拱極之義上南下北方向與古法異  
 人頗惜之然其形勢之熟悉險要之詳明棋布星羅燦然  
 大備自來西藏專圖無有逾於此者沛翹初欲翻正摹繪  
 因恐貽誤未敢妄更謹照原撫刊俾我公當日巡歷之勳  
 勤昭昭若揭云沛翹謹識

西  
 藏  
 地  
 圖



江卡至藏大道乍  
丫左貢兩路地形  
及乍丫地勢圖說





右圖雙線圈地即乍了總轄雙線內單線圈乃現在二胡圖四倉儲巴之地單線圈外則大胡圖一倉儲巴及小頭人地也乍了東南界外皆唐古特地屬江卡管西南界外乃唐古特左貢大營官之地駐藏大臣及達賴刺麻管轄西北界外為察木多胡圖之地正北東北界外為德爾格特土司之地乃阜和協及駐藏大臣所轄東南一角界外則三巖野番地也東西不及五百里南北不及四百里所謂大道六站者阿足洛家宗乍了昂地王卡巴貢共六站其兩撒噶噶皆只半站亦稱八站又左貢一道係茶客往來之道較乍了更為近便

道光二十七年攝成綿道篆王師道記。圖為姚石甫所繪

西藏圖考卷之二

楚南黃浦翹壽菩甫手輯

滇南李培榮華廷甫付梓

楚南李宏年壽廷河間李文江蓉航甫同校

西藏源流考

衛藏圖識有源流考甚畧是篇自諸書纂輯而成猶未敢云詳確也

西藏古為西南徼外諸羌戎地其先為伯夷甫炎帝之裔也舜徙三苗於三危三危者為喀木為危為藏喀木亦曰康即今打箭鑪裡塘巴塘察木多之地危亦曰衛即布達拉亦名拉撒詔今稱前藏藏即札什倫布本拉藏汗所治今稱後藏禹貢西戎即敘即松茂威保及衛藏諸羌是也



秦時有羌無弋爰劍者一作無弋爰劍羌人謂奴為無弋爰劍其名也被秦執以為奴隸故

稱無弋爰劍為秦虜後得亡歸至曾孫忍時秦兵臨渭首滅狄

獯戎忍之季父邛畏秦威將其種人附落南出賜支河西

數千里賜支者禹貢所謂析支也其後子孫支分各自為

種凡百五十種發羌唐旄等名號不可殫記至吐蕃始祖

鶻提勃窳野本發羌屬居析支水西以秃髮為國號語訛

謂之吐蕃稍并諸羌土宇漸廣然猶未通中國威州通志發羌唐旄

等居析支水西本南涼秃髮利鹿孤之後也利鹿孤有子

日樊尼初利鹿孤卒樊尼尚幼弟儁檀嗣位以樊尼為安

西將軍後魏神瑞元年儁檀為西秦乞佛熾盤所滅樊尼

招集餘眾投沮渠蒙遜以為臨松太守及蒙遜滅樊尼乃

率眾西奔濟黃河踰積石居跋布川或邏娑川於羌中建

國開地千里樊尼威惠夙著羣羌歸之如市遂改姓為勃

窳野以秃髮為國號語訛謂之吐唐初吐蕃贊普雄強為

蕃其國都城號為邏些城附參跋布川疑即今之雅魯藏布

為棄隸弄讚建牙於跋布川居喇薩之地即唐時吐蕃建牙之所其國都號

證以唐書考之亦當在今前藏布達拉之地也其國都號

為邏些城邏些於唐古特語為喇薩王為贊普相為大論

小論以統理國事於貞觀八年遣使朝貢太宗遣行人馮

德遐往撫慰之是為西藏通中國之始繼遣使隨德遐入

朝奉表求婚太宗未之許使者返言大國許嫁公主會吐

谷渾王入朝吐谷渾鮮卑種也去青海離間遂不許弄讚

遂發兵擊吐谷渾破黨項白蘭諸羌進頓松州西境邊人

大擾太宗遣侯君集牛進達等率步騎五萬擊之進達先



西藏圖考卷之二  
二  
鋒自松州夜襲其營斬首千餘級弄讚大懼遣使謝罪復請婚太宗以宗女文成公主妻之自是始終恭順及棄隸縮贊立復請婚中宗以所養雍王女金城公主妻之至睿宗時請河西九曲之地爲金城公主湯沐所乃與唐境接近自是連年犯邊開元十七年遣使往視金城公主贊普欣然請和令其臣入朝上表並爲公主請毛詩禮記左傳文選各一部制令秘書省寫與之後以崔希逸襲破吐蕃於青海復絕貢犯邊乾元時乘唐隙盡有西域肅宗朝吐蕃遣使請盟郭子儀令於鴻臚寺插血以申蕃戎之禮廣德元年因降將高庭暉入長安立廣武王爲帝旋爲郭子

儀設疑兵遁去德宗朝再和好盟於清水貞元三年以渾瑊充會盟使盟於平涼吐蕃渝盟五年劍南節度使韋皋遣將大破吐蕃殺其大兵馬使乞藏遮遮八年九年連破吐蕃獲其大將贊熱十八年九道竝進拔七城遂圍維州擒大首領莽熱獻俘於朝御製紀功碑褒之順宗永貞十四年勅放蕃使論矩立藏等穆宗元年吐蕃遣使請盟許之以劉元鼎充會盟使盟於長安二年四月元鼎奉勅至吐蕃牙帳五月六日會盟訖迨唐末而種族分散無復統一宋時亦號吐蕃修朝貢元憲宗始於河州置吐蕃宣慰司都元帥府又於四川徼外置碉門魚通雅黎長河



西甯等處宣撫司世祖時復置烏斯藏郡縣其地以吐蕃僧帕克斯巴爲大寶法王帝師領之嗣者數世明太祖懲唐世吐蕃之亂思制御之惟因其俗尙用僧徒化導爲善故洪武六年以攝帝師納木嘉勒藏博爲熾盛佛寶國師給玉印置烏斯藏朵甘二指揮司及招討司萬戶府千戶所以元國公納木喀斯丹拜嘉勒藏等領之永樂中復封番僧爲大寶法王大乘法王大慈法王闡教王闡化王輔教王贊善王護教王凡八王並給印誥或間歲來朝其地皆倚中國之茶爲命而當時入貢者又優以茶布諸番戀貢市之利且欲保世官故終明之世未嘗爲患此歷朝藏

事大畧也

國朝崇德七年西藏達賴班禪及藏巴汗青海固始汗各遣使繞塞外數萬里達

盛京奉書及方物並獻卦驗知必當一統明年遣使存問達賴班禪稱爲金剛大士是爲我

朝通西藏之始順治九年達賴來朝

世祖章皇帝賓之於太和殿建西黃寺居之及行餞之於南苑德壽寺授金冊印封西天大善自在佛領天下釋教普通瓦赤喇怛喇達賴刺麻令和碩親王碩塞以八旗兵送之其後遣使貢獻不絕西俗最尊者惟達賴刺麻班禪額爾德



尼又有汗則蒙古部長為之其代達賴刺麻理事者曰第  
巴康熙三十二年達賴入貢言已年邁國事決第巴桑結  
乞錫之封爵

詔封第巴桑結為土伯特國王賜金印達賴示寂桑結匿不以聞

潛與準噶爾噶爾丹相為表裏及召刺麻班禪胡圖克圖  
來京桑結又阻之不至四十四年拉藏汗誅桑結

聖祖嘉之封拉藏輔教恭順汗賜金印遣侍郎赫壽等安撫其地

又因拉藏汗所請阿王伊西為真達賴刺麻其後準噶爾  
策妄阿喇蒲坦遣大台吉策零敦多布及宰桑吹音匹兒  
率精兵六千繞戈壁逾和闐大雪山由騰格里海北岸大

山冒險突入藏中無備破布達拉殺拉藏汗焚毀寺廟迫  
逐僧眾時達賴刺麻移居西甯塔兒寺五十七年

特命皇十四子為撫遠大將軍屯兵於青海之木魯烏蘇木魯烏蘇即木

魯河華言通天河居中調度將軍傅爾丹富甯安分出巴

里坤阿爾台以獵其北而將軍噶爾弼出四川將軍延信  
出青海兩路搗藏是時蒙古汗王貝勒台吉各自率所部

兵或數千或數百於五十九年春隨大兵護送西甯塔兒  
寺真達賴刺麻入藏軍容甚盛策零敦多布由中路自拒

青海軍而分遣其宰桑以兵三千六百拒南路南路將軍  
噶爾弼招撫裏塘巴塘番眾進至察木多奪洛隆宗三巴



西番圖考卷之三  
橋之險旋奉大將軍檄俟期並進噶爾弼恐師久糧匱用副將岳鍾琪以番攻番之計卽招土司爲前驅適副都統伍格帶江浙滿兵偕雲南總兵官趙坤等官兵由中甸一路而來遂統率以進克拉里取墨竹工卡集皮船渡噶爾招穆倫口降番兵七千扼要塞險斷賊饜道分三隊直取西藏而青海軍亦由苦腦兒進勦三敗其中途劫營之賊於薄克河於嫩果兒於楚馬拉等處俘斬千計直抵藏地大軍會合賊台吉策零及其宰桑先後棄師遁衆大潰由雪山舊路北竄崎嶇凍餒得還伊犁者不及半達賴刺麻於是年九月十五日登座西藏平留蒙古兵二千戍之以

拉藏舊臣貝子康濟鼐掌前藏台吉頗羅鼐掌後藏

御製平定西藏碑文勒石大招寺振旅而還此康熙五十九年事

也雍正初撤回官兵以貝子康濟鼐總理其地五年噶布倫阿爾布巴等叛殺康濟鼐後藏台吉頗羅鼐走避次年命左都御史查朗阿爲正帥率滿漢官兵八千餘員名由西甯出口散秩大臣周英等率川兵四千餘騎由霍耳雲南總兵官南天祥等率滇兵三千名由昌都三路進討未至而頗羅鼐率後藏及阿里兵九千截賊去路擒首逆經查朗阿等審實磔之藏地復安七年

詔封頗羅鼐爲貝子總藏事留大臣正副二人領川陝兵二千分



駐前後藏鎮撫之是為大臣駐藏之始乾隆三年噶爾丹策楞策妄死子請入藏熬茶許之時貝子頗羅鼐懲前敗訓練萬騎又練步兵萬有五千於通準夷各路嚴設卡倫噶爾丹自是不敢窺藏

晉封頗羅鼐郡王

十二年以其次子珠爾墨特襲封十五年以罪誅始不封汗王貝子設四噶布倫分其權而總於達賴刺麻以全藏地與之增駐藏大臣兵千有五百二十二年蕩平伊犁藏地始永無準夷患廓爾喀者本巴勒布國舊分葉楞部布顏部庫庫木部後又兼并哲孟雄作本朗洛敏湯諸部落吞并為一遂與後藏以交易滋事由後藏行二

十驛至濟隴之鐵索橋為藏地極邊踰橋而西則廓爾喀自古不遇中國於乾隆五十五年內犯西藏侍衛巴忠將軍鄂輝成德等調停賄和未交一兵而糜餉百萬次年廓夷再舉深入後藏札什倫布西南左有曲多江鞏右有彭錯嶺峭壁連岡咽喉天險賊步卒數千自聶拉木入其時番漢官兵若分兩路一扼曲多江鞏遏其前一繞赴彭錯嶺截其後則廓夷深入無援可不戰潰也駐藏大臣保泰奏請移達賴於西甯移班禪於前藏欲以藏地委賊而仲巴呼圖克圖先遁刺麻濟仲札蒼等復託言卜諸吉祥天母不宜戰眾心遂潰賊大掠札什倫布全藏大震時鄂輝為



四川總督成德爲四川將軍擁兵四千赴勦按程緩進  
上知一人不足恃乃命嘉勇公福康安爲將軍超勇公海蘭察參

贊調索倫滿兵及金川屯練士兵進討明年二月將軍參  
贊由青海至後藏閏四月索倫兵二千土屯兵五千並藏  
內官兵三千皆集五月連敗其屯界之賊盡復藏地六月  
初大舉宋入遺領隊大臣岱森保總兵諸神保等各出左  
右一路以分賊勢而大軍出中路海蘭察將三隊爲前軍  
福康安將二隊繼之大破賊於距濟隴八十里之鐵索橋  
入廓夷界追勦百六十里至協布魯又百數十里至東覺  
嶺六月九日至雍雅山廓夷震懾乞降不許復三路進攻

六戰六捷殺賊四千涉賊境七百餘里將近其國都廓酋  
再遣人詣軍前哀詞乞降時已八月恐過後大雪封山難  
返乃允之盡獻還所掠藏中財寶貢馴象番馬樂工請永  
遵約束班師留番兵三千漢蒙古兵一千戍藏自是二大  
臣儀注行事始與達賴班禪平等事權歸一此乾隆五十  
七年事也後藏至廓爾喀有定結大道必繞布魯克巴等  
部迂道月餘故我師由濟隴近路入左壁右湍不容一騎  
將軍參贊亦時步進故所貢象遶大路次年春始至前藏  
自大創以後至今貢獻不絕西藏始永無廓夷患初藏中  
皆習元帝師帕思巴所傳之紅教明時有宗喀巴者幼而



神異精通佛法修苦行著穆隆經初出家亦學經於紅教  
薩迦廟之呼圖克圖既成爲番眾所敬相傳其受戒時染  
僧帽諸色不成惟黃色立就故名黃教衣冠皆黃色盛行  
於衛藏及極西諸部落宗喀巴示寂遺囑二弟子世世以  
呼畢勒罕轉生演大乘教呼畢勒罕者華言化身也二弟  
子一曰達賴刺麻一曰班禪額爾德尼刺麻者華言無上  
也額爾德尼者華言光顯也相傳達賴爲觀音分體之光  
班禪爲金剛化身第二世達賴名根敦嘉木磋者於明正  
統時始以活佛聞於中國第三世達賴名鎖南嘉木磋教  
益盛紅教中大寶大乘諸法王皆俯首稱弟子化行諸部

東西數萬里熬茶膜拜視若天神諸番王徒擁虛位不復  
能施其號令是爲刺麻極盛之時相傳達賴刺麻每於圓  
寂時先示人以降生之處其弟子大堪布往訪得之小兒  
相見卽能相識或出一二語乃臨圓寂時事大著靈異嗣  
達賴六世班禪七輩後不復再來故登座者無復真觀密  
諦祇憑垂仲降神指示垂仲者猶內地之師巫也又達賴  
班禪親族多營爲大呼圖克圖以專財利屢致盜禍

**高宗**久悉其弊乘用兵之後特運神斷創頒金奔巴瓶一供於前  
藏之大招寺遇有呼畢勒罕轉生互報差異者納籤瓶中  
誦經降神大臣會同達賴班禪於宗喀巴前掣之惟嘉慶



十三年第九世達賴靈徵眾著由駐藏大臣奏聞請

旨不復瓶掣是為破格達賴刺麻之下有二呼圖克圖一為

濟隆一為第穆皆以所轄地名稱之又有二那門汗次於

呼圖克圖其管理寺院講習經典之僧官皆名堪布最大

者曰總堪布次曰通巴堪布達爾罕堪布有札薩克三人

乃濟隆第穆兩呼圖克圖及兩那門汗理事之大僧官也

其統理兵刑者曰噶布倫一作噶隆其主庫之僧官曰商

卓特巴曰仔琿凡稱琿者亦作綳凡噶布隆商卓特巴仔

琿有缺由駐藏大臣會同達賴刺麻選擬正陪二人請

旨補用餘皆會同揀放西藏綠營官兵六百二十一員名拉

里一百二十八員名察木多三百三十三員名先是額設

步騎六萬四千步兵居五萬騎兵前藏三千後藏二千阿

里五千稞壩千黑帳番蒙古共三千皆散在民間無常餉

乾隆年改定有常餉兵如上數外江孜定日各設一守備

不能多設戍兵僅備彈壓而已全藏所轄六十八城喀木

九前藏三十後藏十八阿里十二所謂城者則官舍民居

塹山建礮之謂量地大小人眾寡各設宗布木以理民設

丁布木以理兵民居礮房其游牧之番及蒙古則居黑帳

達賴刺麻所轄寺廟三千百有五十餘所班禪所轄寺廟

三百二十七所據乾隆三年藏地萬峰插天高輒冰凌窪

理藩院造冊源流考



輒燠溽十里殊裘葛惟布達拉一區四山環衛如城無嚴寒無酷暑其土膏衍其人秀好其音華夏故吐蕃贊普都之以鞭撻四夷抗衡上國而宗喀巴卓錫後數萬里蒙古額魯特喀爾喀奔走其號令若驅攝於靈奇磅礴之中者至今飛閣流丹梵唄徹山谷為西方極盛之區而班禪所居札什倫布次之每遇節期達賴升座講甘珠爾經丹珠爾經圖聽跪拜千計其大刺麻學道能轉世者達賴班禪印證之得為胡圖克圖分掌教化其刑有番律四十一條甚酷其山則以阿里迤西三百餘里之岡底斯山為天下大幹宗祖岡底斯者蔥嶺之南幹除北條黃河之內而外

凡南條之水若大小金沙江大金沙江即雅魯藏布江下游小金沙江係流至敘府合

岷江若怒江若瀾滄江無一不源於西藏者其水則以雅

魯藏布江為正流橫亘於三藏之南諸水左右注之下游

為大小金沙江由緬甸入南海源出岡底斯山東南三百餘里之達木綽克哈巴布山

西北為恒河經厄訥特克國會諸水入南海佛書所稱恆河即此水也又拉里以東之怒江瀾滄江故說禹貢者以皆發源衛地各趨南海不入雅魯藏布江

大小金沙江為黑水焉其邊界東南有貉獠野人在怒江以南第論前

藏則貉獠為正南以全藏形勢言之則為東南正南有東西布魯克巴二部長一里廣五六百里有哲孟雄幅員百里介於廓爾喀布魯克地和暖產五穀西南有廓爾喀見前其入藏四隘口其南界為獨吉嶺



拉木為正西為蔥嶺大山山以西如霍罕布哈爾基法等部盡為俄羅斯所踞與印度僅  
隔興都哥西北為葉爾羌昔回疆西四城之一今改為內地又北為和闐一作于闐  
今屬內地為戈壁沙漠由東北以達東南則青海四川雲南之邊境也川陝滇入藏之路有三惟雲南中甸之路峻巖重阻故軍行皆由四川青海二路而青海路亦出河源之西未入藏前先經蒙古草地千五百里又不如打箭鑪內皆腹地外環土司故駐藏大臣往返皆以四川為正驛而互市與貢道亦皆在打箭鑪云

續審隘篇

嘉慶三年西藏大臣松湘圖著西招圖略二十八條其

審隘篇云守邊之術宜乎審隘繪圖使各汛官兵熟悉道里阨塞方於緩急有益譬如藏地從前因防準噶爾侵犯故自前藏東北哈喇烏蘇直至西北極邊阿里一帶三千餘里原有卡防其後仰賴

天威

勦滅準部迺除邊患今卡防久撤無庸備述至若西南有薩喀有濟隴有聶拉木有絨轄有喀達有定結有干壩有帕克哩一帶既為沿邊阨塞皆宜審辨詳識也聶拉木內有定日汛守備一員統領漢番弁兵鎮守自定日三站至聶拉木中隔通拉大山阨塞天然定日西八站至濟隴計有莽噶布堆官寨洋阿拉山鞏塘拉山宗喀城靈瓦昌峽



西苑圖考卷之三  
察木卡山梁招提壁壘邦馨亦皆天然阨要定日西南距  
絨轄四站中有山峽崎嶇僅容一騎又由定日西南入山  
走札什宗隆邁三站至喀達邊隘在絨轄中多阨險定日  
西北遙通薩喀遊牧界連阿里此定日以外之形勢也定  
日以內兩站至協噶爾官寨是為大路官寨迤西數里巖  
峽聯絡一名羅哩一名果瓊拉實為協噶爾屏障協噶爾  
迤南亦通喀達僅四站路狹更有東南經春堆瑪布甲仲  
烏拉山直抵薩迦廟路巴勒布卡契等貿易往復經此是  
為通衢協噶爾以內兩站至甲錯大山中有羅羅塘汛大  
山迤西地名拉固隆固其西北越一大山係唐古特世家

波絨巴游牧東連洋阿拉西接鞏塘拉毗連薩喀東界其  
甲錯木為天險且有瘴氣內抵拉孜僅一站拉孜東南兩  
站至薩迦路拉孜西北十站至宗喀沿途多險拉孜以內  
五站至後藏札什倫布沿途險隘有四自西而東一日科  
頗拉一日日東巴一日彭錯嶺一日格登山峽因於彭錯  
嶺東巖道築卡為隘此後藏迤西直抵拉孜之右路亦通  
衢也自格登山峽西南直抵拉孜之捷徑中有珠鄂隴山  
峽僅容一騎是為中路最為險要因於珠鄂隴築卡為隘  
自札什倫布西走那爾湯越達克拉平山山離札什倫布  
六十餘里儘可設伏為後至崗堅刺麻寺分路西南通朗拉山此後招重  
招保障今



仿入陣之法於嶺頭經察隴蠻寨曲多江鞏阿尼鞏三處

卡隘過阿仲拉大山轉西即至薩迦是為左路即貿易通

衢薩迦西南亦通喀達邊隘係由瑪布甲春堆宜霞爾楚固爾隆邁等處共五站至喀

達自喀達沿邊東行四日可達定結邊隘自札什倫布經

那爾湯對面入南山走仁津孜塔克及拉固隆固此一帶九山九

溝險隘頻仍共行四日至定結而札什倫布東九十里有白朗

官寨此寨東南入山經堆瓊官寨金谷爾拉等山金谷爾拉一帶

皆為走錯莫志通海子南岸共行六日至定結由定結東

行一站至干壩又東三站至帕克哩帕克哩本名那木結噶爾布不產稞麥

是為藏地南界此外東接布魯克巴所屬巴珠布拉小部

而西南毗連哲孟雄部哲孟雄人民雖大半已被廓爾喀

侵佔然其部中有大河名藏曲所有河北百餘戶仍能保

護部長依河據險堅守自固蓋藏曲水深溜急難度源自

喀達一帶眾水匯流至布魯克巴界而南入噶里噶達部

唐古忒謂南界有水城無庸戍多兵是為邊外阨塞帕克

哩以內四站至江孜沿途多有阨塞由江孜至康瑪爾一帶

瑪爾迤南間有山峽而帕克哩東西江孜亦設守備統領

南三面皆山北有海子名薩木錯漢番弁兵鎮守所有定日江孜二汛皆屬後藏都司統轄

自前藏西南行七日共六百餘里至江孜而西過白朗共

行二百餘里乃至札什倫布此前藏直達後藏之正路至



沿途阨塞自前藏起有曲水有巴則有春堆皆在江孜以內而江孜迤東有錯納有工布均爲前藏南界邊隘前藏有通札什倫布捷徑係由巴則山陽西北經行仁本山溝較之正路可近兩站尙有北道由札什倫布東北渡江走陽巴井游牧共十站卽抵前招路程與正路相等險有德慶東山巖道有巴布賴長嶺有瑪爾江有喇湯皆爲阨要如由陽巴井東北行三站可抵達木蒙古游牧自此東北一帶毗連三十九族游牧而正東緊接哈喇烏蘇直達西甯均係草地由哈喇烏蘇轉向西南過喀微經達隆共行九站可抵前招中有阨塞不甚險要此衛藏圍圓大概僅

述要隘以示汛官以重操防也翹按此篇雖舉全圖言之而於後藏西南一帶獨詳其時固防廓夷患也然則何爲而續耶蓋察地輿者貴原委之週知而談軍務者貴險要之備悉今英吉利占據五印度兼并廓爾喀哲孟雄諸部鐵路已開至獨吉嶺其言重在通商而唐古特部眾又復迭次阻撓難保不激生變故且邊界野番雜處萬一乘機竊發處處堪虞是則南界之防尤今日之急務也查阿里迤西岡噶江上游有拉楚河狼楚河皆東水西流合而南下復折向東有麻楚河一作瑪楚河自阿里東南流出會之三水既合始名岡噶江又東南流二百里出阿里界經馬木巴作木



明部落至厄納其疆域東自藏界麻爾岳木嶺一作瑪爾

特克國入南海向西二千一百餘里南自匝木薩喇嶺向北一千餘里東

北近岡底斯山週圍以岡噶江源流為界疑即唐書泥婆

羅明史尼八刺國地向為頗羅爾長子朱爾瑪特策登駐

防處有城十三有廟五其北界葉爾羌布魯特其西為蔥

嶺雪山其南界廓爾喀昔為洛敏湯作木阿里宗城一名

爾今為邊商總匯之區北路由乾竺特逾蔥嶺可通俄羅

斯此阿里迤西地勢也其自阿里起沿廓爾喀境東南行

其要隘曰薩喀曰達即拉山曰宗喀曰嗎爾曰滾達曰卓

黨曰濟隴曰俄隴曰索絨曰札木多曰聶拉木曰熱索橋

橋臨鈕楚河水發源滾達卓黨山南又從聶拉木北行至

絨轄逾通拉大山至定日汛又東南為札什宗為陸邁為

喀爾達有朋楚河會二水入哲境朋楚河發源定日西北

皆自東北來會西南流入哲逾河北行至定結又東北至

十壩又東至帕爾又西南至噶里逾嶺即為哲都獨吉嶺

此阿里及後藏南邊要隘也其由帕克哩北行至熱龍距

江孜汛一又東行至仁子又東為折拉為倫子為洛巴有

百四十四里又東行入奈楚河奈楚河發源仁子東趨折拉倫

穆楚河自北來入奈楚河子洛巴南境折東南流入布魯

克巴逾穆楚河東行至咱義其雅魯藏布江由阿里迤北

之達木綽克喀巴布山發源曲折東趨受南北大小數十



河水橫貫全藏至甲噶咱義折東南流入貉翁野人境

經印度入南海由咱義東行逾雅魯藏布江又東過烏蘇江

源出墨竹工卡以北下流又東過桑楚河至薄宗

桑楚河發源拉里以南流經薄宗出都克里山為薄藏布河南又東繞龍川江

流入羅喀布占國界下流入雅魯藏布江上游過怒江經洛隆至嘉裕橋再東繞道出王卡之西循

瀾滄江西岸又東南過江直抵雲南麗江府屬之維西廳

蓋藏南沿邊一帶之要隘如此且夫藏地層岡疊巘峻峭

插天皆發脈於岡底斯山而蜿蜒分布者也

藏南沿邊一帶數千里夷人統謂之希模急湍危湍縱橫匝地皆會歸於雅魯藏布

江而曲折南流者也

藏布山河之險遠勝內地一夫把隘萬眾趨趨而其稱名

則難更僕數也後藏札什倫布東北行至江孜汎西南行

至定日汎皆孔道而定日距邊較近尤為四通八達是均

宜重兵鎮守者乾嘉間惟防廓爾喀故於濟隴聶拉木絨

轄喀達四口堆立鄂博置戍兵今哲孟雄

一名布魯克巴其會城名札什曲宗諸部落將盡歸於英吉利疆場交錯玉帛兵戎

何常之有藏南沿邊一帶數千里地能不為未雨綢繆之

計詳審要隘而多設卡防也耶故曰察地輿者貴原委之

週知談軍務者貴險要之備悉謹贅鄙言為籌邊者之一

助云爾

篇內獨吉嶺一作獨脊又名大吉嶺



內地程站附考

是書專言西藏應從藏界寧靜山江卡叙起而成都至打箭鑪裡塘巴塘為入藏正驛鑪裡巴三臺及察木多古名康亦稱前藏茲叙程站自成都起至鑪裡巴三臺附於卷首明來路也紀載從畧主客之分也

自四川省城至打箭鑪十一站計程一千零二十里

衛藏圖識作九百二十里西招圖畧作九百七十里西藏志作八百六十五里光緒四年黃楸材西

成都府四十里雙流縣尖六十里新津縣宿計程一百五里新津縣四十里斜江河尖六十里邛州宿計程一百十

里邛州五十里大塘鋪尖五十里百丈驛又名白站宿計

程一百五里百丈驛五十里名山縣尖四十里雅安縣宿

計程九十五里雅安縣五十里觀音鋪尖六十里榮經縣

宿計程一百二十里榮經縣六十里小關山尖六十里清

溪縣宿計程一百二十里距清溪縣五里為羊圈門

背夫於該處分路往泥頭驛較近十五里清溪縣出

南門走建昌出西門進藏二十里富莊俗名蠻莊尖四十

五里泥頭驛宿清溪尉駐此計程七十里自過清溪後

路益加險泥頭驛三十里林口尖三十里化林坪宿計程

六十五里由林口二十里上飛越嶺山勢陡峻怪石



巉巖終年積雪內地第一險阻也山頂有隘過隘卽  
 下山十五里陡坡無駐足處至化林坪沈邊土司屬  
 山頂有一海子廣不過三里居民皆飲之化林坪  
 五冷磧尖四十里瀘定橋宿計程八十里地稍温煖河  
 卽瀘水有鐵索橋康熙四十年建東西長三十一丈  
 一尺寬九尺索九條覆木板於上有巡檢一員瀘定  
 橋四十里大烹壩尖四十里頭道水宿計程八十五里頭  
 道水高崖夾峙一水中流居民皆住山麓巖後瀑布  
 亦一大觀頭道水三十里柳楊尖三十里打箭鑪宿計程  
 六十五里

自打箭鑪至裡塘八站計程六百八十五里

西轄日記作十站計六百六十里

打箭鑪古旄牛國俗傳諸葛武侯南征遣將軍郭達  
 造箭於此出南門十里過工竹卡凡差使至此始照口  
 外例支應四十里折多宿計程五十里自此出口山川  
 奇險別開面目折多五十里提茹尖途中多產大黃藥  
 氣薰蒸過者氣喘五十里阿娘壩宿計程八十五里阿  
 娘壩三十里瓦切三十里一作瓦磧尖五十里東俄落三十里一作東惡  
 洛宿計程五十五里東俄落三十里高日寺尖四十里卧  
 龍石宿計程七十五里西轄日記東俄落二十里山根三十里山頂高日寺二十里



五里卧龍石附參 卧龍石里六十八角樓尖里六十 中渡宿計程

一百二十里中渡一名河口即鴉龍江也皮木船渡

過河為裡塘界中渡七十里翦子灣尖里六十 西俄落一

作西惡洛宿計程一百三十五里按此站路甚險遠

難行且多夾壩夾壩猶言劫盜也行者或由中渡過河行三

十五里至麻盖宗地方一作麻盖中即宿以均程途

且戒備焉西俄落里四十 咱馬拉洞尖里七十 火竹卡宿

計程一百十里咱馬拉洞防夾壩火竹卡二十里火燒

坡尖里二十 裡塘宿計程四十五里

自裡塘至巴塘六站計程五百四十五里

裡塘里五十 頭塘宿即公撒塘番名額凹奔松一作納

時奔松此站人戶柴草俱無僅有塘舖行人須帶口

糧帳房頭塘里四十 乾海子尖里六十 喇嘛丫宿計程一

百五里此站下坡嶺為夾壩出沒之所喇嘛丫五十里

二郎灣尖里五十 立登三壩宿計程一百十里三壩番

語橋也此巴裡二塘交界處立登三壩里五十 松林口

尖里五十 過巴隆達河至大所塘宿計程一百里大所

塘里九十 奔察木尖里四十 小巴冲一作小壩冲宿計程

一百二十里小巴冲里五十 巴塘宿

自巴塘至察木多十四站計程一千四百五里此處祇



叙內地四站計四百四十里西招圖畧自巴塘至察木多一千四百三十五里

巴塘或云卽白狼王唐菽之故地有丁林寺或云卽

古丁零羌之遺種其地方廣七百餘里袤千餘里十四

里牛古渡尖五十里竹巴籠宿計程九十里自巴塘至

西藏途中有醉馬草馬食如醉輒疲乏不能行竹巴

籠渡江卽金沙江四十里公拉尖防夾壩九十里莽里卽

莽嶺宿計程一百三十里有熱傲供給差役凡熱傲

磔巴皆番稱頭人也莽里八十里南墩一作南登尖四十

里古樹一作谷黍宿計程一百二十里由莽里行三

十里至邦木中有蜜靜山爲內地西藏交界處勒有

界碑山以西爲藏地古樹四十里普拉尖六十里江卡宿

計程一百里以後皆屬藏地另爲詳叙



西苑圖考卷之二  
三  
西苑圖考卷之二  
三



